



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1729. usque ad annum 1731

Fleury, Claude

August. Vind. [u.a.], 1785

VD18 13322648

§. 62. Pontificatus exordia.

[urn:nbn:de:hbz:466:1-67677](https://nbn-resolving.de/urn:nbn:de:hbz:466:1-67677)

Sæc. XVIII. lentia pressos ultra fidem potenter
 A. C. 1730. tatus est, quamvis inde non raro quo-
 rumdam inimicitias sibi accessivisset.
 Ceterum ipse splendide, ut tantum
 Principem decebat, vixit; Principes
 ferme omnes, & Romanæ Curiæ Prä-
 sules præcipue ceteris magis eruditis
 quotidie sub vesperum ad illum conve-
 niebant, quibuscum plura & quidem
 ardua conficiebat negotia, ac in fine
 eis sorilla pro more cumulatissime la-
 giebatur; locuples enim Paterna her-
 editate, magnisque opibus prædictis
 adeo non de redditibus Ecclesiastica
 sibi quicquam attribuebat, ut etiam in
 Signaturæ Præfectum electus annue-
 duo scutorum millia, quæ ex hoc of-
 ficio provenire solebant, ultro Pontifici
 offerret; nulla enim captus lucri avidi-
 tate, & sine Ecclesiastici instituti le-
 sione erat magnificus, simulque sine
 ostentatione vere pius. Hoc illi sua
 privatæ vitæ genus Principe eruditis
 commensuratum.

§. LXII.

Pontificatus exordia.

Corsinius ad Universæ Ecclesie impe-
 riū assūptus die decima sexta
 Julii B. V. Mariæ de Monte Carmelo
 Sacra in Templo Vaticano confuera-
 pompa

pompa inaugurari voluit. Inde ad suum Sæc.XVIII.
A.C. 1730.
cubile delatus, a Principum Legatis, aliisque Viris Nobilibus gratulationis officio honorabatur, quos inter præcipue Comes de Colaldo Cæsareus Ora-
tor Papam latina oratione sui Princi-
pis nomine salutabat.

Peractis hisce officiosis solemnitatibus Pontifex primam eo curam inten-
dit, ut optimos, atque integerrimos Administros in perturbato illo Regimi-
nis prioris statu adlegeret; varios ei-
dem proponebant Purpurati, quibus ipse tamen respondit, Cardinalium esse eligere Pontificem, Pontificis vero e-
ligere Ministros: Proprio igitur impulsu Antonium Cardinalem Barberinum summæ Rei præfecit, eumque a se-
cretis Status esse voluit, Datariae au-
tem Præfecturam contulit Antonio Fran-
cisco de Valentibus Theodosiæ Archi-
episcopo & Rotæ Romanæ Auditori;
Assessorem nominavit Marcellum Paf-
serium, Virum longa sibi familiaritate
ac famulatu cognitum, & per omnia probatum. Ab Epistolis arcanis esse
jussit Josephum Livizzanum, & Præ-
fectum Familiæ Troyanum de Aqua-
viva, Cubiculo autem Pontificio Sini-
baldum ab Auria Archiepiscopum Pa-
tracensem præfecit. Denique cetera munia & Pontificiæ Domus Ministeria

S 5

Viris

Sæc. XVIII. A. C. 1730. Viris probatæ virtutis integritatisque prudenti selectu commisit. Ex Cardi-

nalibus autem Corradinio Magni Penitentiarii onus & Cardinali Spinola Præfectura Signaturæ obtigit: Inferiora demum Pontificiæ liberalitatem beneficia reservasse videbatur suis Ne potibus; Bartholomæum enim Confidium Equitum levis armaturæ Centurionem dixit, & Nerium, juvenem pueritatem, prudentia, & rerum gerendarum dexteritate inclytum, a secretis libelorum supplicum creavit. His ita de spositis Universale Jubilæum, prece que publicas indixit, & pro felici Regimine supplicationem instituit, quam ipsem ab Ecclesia S. Mariæ Angelorum usque ad Basilicam Liberianam singulari pietatis sensu comitatus est. Rei etiam domesticæ curam haud est negligendam censuit, quapropter Pontificii ærarii statum explorans, cum nonnisi mille quingenta scuta esse se posita cerneret, bene, ajebat, Cardinali eram dives, pauper jam sim Pontifex. Eius igitur suas convertit curas, ut pro currentibus Ecclesiæ necessitatibus æarium Pontificium penitus exhaustum ita repararet, ut tamen nullum inde populo damnum accresceret; subditorum enim commodo providus Pater sollicite prospexerat, ac præprimis tri-

buta, quæ a Pontificiis Ministris, inscio ^{Sæc. XVIII.}
Pontifice, ultra modum fuere imposta ^{A.C. 1730.}
levavit, & per incognitos Viros a cun-
ctis Pistoribus panem clam sibi afferri,
illusque pondus augeri, atque olei
pretium imminui jussit, vetuit quoque,
ne deinceps vectigal ex sappone exige-
retur. Hac liberalitate populi amorem,
& cæli Benedictionem sibi mirifice con-
ciliabat, ab omnibus palam inter fau-
stissima auguria nominatus: *Clemens*
Papa, providus Pater patræ & pauperum.
Plures etiam instituit Præfulum & Car-
dinalium Congregationes, ut publico-
rum vectigalium locationes, aliasque
exactiones aut concessiones sub Præde-
cessore suo, eoque inscio, & sine de-
bitis solemnitatibus factas rigide expen-
derent, easque quantum opus foret,
irritas nullasque declararent. Tandem
vero die decima nona Novembris pro
more Pontificatus sui possessionem adi-
turus, e Vaticano ad Lateranense Pa-
latium solemni pompa processit, ubi
in pauperes turmatim confluentes in-
gentem pecuniarum vim distribui jussit.

§. LXII.

*Eiusdem Pontificis epistola ad Archi-
episcopum Salisburgensem in caussâ
exemptionis Passavensis.*

Vix